



**Environmental
Justice Fund**
BY ACTIVISTS • FOR ACTIVISTS

Pitso ka ga ditshitshinyo: February 2024

Ka ga EJJ

Environmental Justice Fund (EJJ) ke mokgatlo o o laolwang ke molweladitshwanelo o o dirang go nonotsha mokgatlo wa tshiamiso ya tikologo mo Afrika Borwa ka go tlamela madi, go nonotsha bokgoni le go rulaganya thuso go mekgatlo e e mo baaging le dithulaganyo.

Ba EJJ e ba thusang

Gore o tshwanelege go thuso e e tswang go EJJ, o tshwanetse o bo o le:

1. Mokgatlo kgotsa thulaganyo (e seng motho a le mongwe) e e mo, le go nna karolo ya, baagi ba e ba direlang;
2. Dira mo tshiamisong ya tikologo;
3. Mo Afrika Borwa.

Go amana le thulaganyo ya go tshwanelega ya ntlha e e tlhalositsweng fa godimo, tsweetswee ela tlhoko gore EJJ ga e tseye dikopo tse di tswang go diNGO tse di itsegeng. Seno ke ka gone EJJ e simolotswe ka tlhomamo go rarabolola bothata jwa gore gantsi thuso ya madi e ya go diNGO tse di itsegeng, fa mekgatlo e e mo baaging (diCBO) di sokola go bona thuso ya madi ka tlhamalalo. Seno ke lebaka la go re tlhoma mogopolo ka *tlhamalalo* go diCBO. Go na le diNGO tse dintsi tse di dirang tiro ya botlhokwa ya tshiamiso ya tikologo mo Afrika Borwa, mme ga di tshwanelegele madi a puso a EJJ ka gone go na le thuso e nngwe ya madi e ba nang le kgonagalo ya go e tshwanelegela. Gape ga re akanyetse ditshitshinyo go tswa dikhamphaneng tsa poraefete le ditheo tse dingwe tse di dirang porofete, kgotsa go tswa ditheong tsa naga (jaaka dimmasepala).

EJJ e thusa diCBO tse di itsegeng le tse di ntšha. Go o tlhoke gore o bo o kwadisitswe semmuso go tshwanelegela thuso e e tswang go rona.

Se EJJ e se thusang

Re thusa go lwela diphetogo tsa tshiamiso ya tikologo. Re dirisa tsela ya dira dilo e e bulegileng gore tshiamiso ya tikologo e dirwa ke eng, mme tshitshinyo ya gago e tlhoka go dira kgolaganyo magareng ga ditiro tse o tshitshinyang go di dira le tshiamiso ya tikologo. Ka sekai, tshitshinyo ya go aba diphasela tsa dijo go tlhomamisa gore go nna le tshireletso ya dijo e ka nna ya se tshwanelege, mme tshitshinyo ya go simolola tshimo ya dijo ya lefelo la baagi le go thapisa maloko a baagi ka go jala mo go sa dirisiweng dikhemikale go tlhagisa le melaometheo ya temo e e tswelelang, e tla tshwanelega. Selo sa botlhokwa ke go tlhalosa kgolagano magareng ga porojeke ya gago/letsholo le tshiamiso ya tikologo.

EJJ e ka thusa tiro go, gareng ga dilo tse dingwe: Tshiamiso ya tlelaemete le Phetogo e e Siameng; Kgotlelo ya moya; Moepo; Taolo ya dijo; Metsi; Matlakala; Mokgatlo wa melaotseo ya dikgang tsa tikologo; Go rata dilo tsa tlhologo; Ditshwanelo tsa lefatshe; Thotloetso ya kitso ya tlhologo; Tsela e nngwe ya go itshedisa e e nnelang ruri; Kemopholo ya tikologo; Go fitlhelela tshedimotsetso ya tikologo; le go tsaya karolo ga baagi mo go direng ditshwetso mo ditsompelo tsa tlhago. Seno ga se lenaane le le tswetsweng, mme re tla leba dikopo kwantle ga dikarolo tseno fa di santse di wela mo karolong ya tshiamiso ya tikologo.



Ditiro tse EJF e ka nnang ya di thusa di akaretsa:

- Tiragalo e e totobetseng (jaaka tshupetso, kopano kgotsa dikopano tsa go ruta);
- Go rulaganya, matsholo le tiro ya kemonokeng;
- Patlisiso e e eteleletsweng pele ke baagi;
- Go tsaya dikgato tsa molao ke mekgatlo e e mo baaging;
- Ditshimololo tsa go ruta ka tikologo mo baaging; le
- Ditshimololo tse di nonotshang mekgatlo.

Kafa thuso go tswa EJF e dirang ka gone

Re neelana ka thuso ya madi a puso a ngwaga o le 1 a R50 000 – R100 000. Gape re tlamela thuso mmogo le thuso ya madi ka mekgwa wa go nonotsha bokgoni le thuso ya kgolagano. Fa kopo ya gago e atlegile, re tlotla le wena ka seno go ya pele.

Tsela ya go dira kopo

Go na le ditsela tse pedi tse o ka dirang kopo:

1. Wa tlatsa kopo mo inthaneteng mo lefelong la rona la inthanete go <https://ejfunds.org.za/apply-for-support/>.
2. Itseele foromo e e teng go <https://ejfunds.org.za/apply-for-support/> mme o tlatse foromo e e tladitsweng go proposals@ejfunds.org.za. Fa seo se sa kgonege, gape o ka romela ka WhatsApp dinepe tsa foromo e e tladitsweng go 0782910014, le fa re go rotloetsa go romela foromo ka emeile fa o kgona.

O amogetswe go dira kopo ka puo epe ya semmuso ya Afrika Borwa.

Nako e e beilweng ya go tswalela dikopo ke **01 March 2024**. Tsweetswee ela tlhoko gore ga go dikopo tse di thari tse di tla lebiwang.

Ke mang yo o dirang tshwetso mo kopong ya gago

Dikomiti Tsa EJF Tsa Madi a Thuso di bala ditshitshinyo tsotlhe di bo di dira tshwetso ya gore ke mang a bonang thuso. Komiti ya Madi a Thuso e dirilwe ka balweladitshwanelo ba ba nang le maitemogelo mo lephateng la tshiamiso ya tikologo. O ka bala mo go oketsegileng ka tsone mono <https://ejfunds.org.za/the-team/>.

Se re se lebang mo tshitshinyong

- Kafa ditiro tse di tshitshintsweng tsa mekgatlo wa gago di tla tswelatsang pele tshiamiso ya tikologo le go sologela baagi molemo o karolo ya kgotsa o dira.
- Kafa tshitshinyo e siameng gotlhe ka gone – tshitshinyo ya gago e na le kgonagalo e e oketsegileng ya go atlega fa ditiro tsa gago tse di tshitshintsweng di tshalositswe ka phepafalo (go na le go thathamisiwa ka tsela e e sa tlhamalalang) le fa go na le kgolagano e e utlwalang magareng ga ditiro tse o batlang go di dira le maitlhommo a o batlang go a fitlhelela.
- Gape re batla go bona gore o akantse sentle ka bajete – tshitshinyo ya gago e na le kgonagalo e e oketsegileng go atlega fa se se mo bajeteng se golagana le mo tikologong le ditiro tse o akantshang go di dira, le fa o okeditse kitso ya gago ka gore di ja bokae.



- Bogolo jwa mokgatlho le go ikarabela ga temokerasi e e gone mo mokgatlhong wa gago - kafa mokgatlho wa gago o dirilweng ka gone, kafa o dirang ditshwetso, le gore o begela baagi jang gape?
- EJF ke mokgatlho wa basadi. Seno se kaya gore re rata go thusa mekgatlho e e etelelwang pele ke basadi, le/kgotsa mekgatlho e dithulaganyo tsa yone di bontshang go anaanela ditsela tse di sa tlwaelegang tse mo go tsone basadi ba amiwang ke tshiamiso ya tikologo le e e batlang go sologela molemo basadi mo ditirong tsa bone le dithulaganyo. Re dirisa tsela ya go dira dilo e e tshwanang ka go tlotla batho ba basha.
- Gape re kgatlhegela go itse gore a o dirisane le mekgatlho e mengwe mo nakong e e fetileng (mme fa go le jalo, se badirisanimmogo le bone ba tshwanetseng go se bua ka wena) mme fa o rulaganya go dirisanammogo mo porojekeng/tiragalo/letsholo la tshiamiso le le tshitshintsweng.

Gape re akanyetsa mekgwa e mengwe e e amanang le ditshitshinyo tse re di amogetseng jaaka setlhopha. Tseno ke tseo:

- EJF e batla go thusa go kopanngwa ga mekgatlho e e itsegeng le mesha. Seno ke gonne re dumela gore go aga mokgatlho wa tshiamiso ya tikologo o akaretsa go nonotsha se se setseng se le gone, le go thusa mekgatlho e mesha go tsena mo karolong ya go lelwa tshiamiso.
- EJF e ka rata go thusa mekgatlho e e dirang mo mefuteng e e farologaneng ya mathata a tshiamiso ya tikologo, go na le go tlhoma mogopolo fela mo karolong e le nngwe ka sekai, moepo.
- Fa Komiti ya Thuso ya Madi e akanyetsa ditshitshinyo tsotlhe, gape di leba kafa ba ba thusiwaang ka madi ke EJF ba lebegang ka gone fa ba kopane. Seno ke ka gonne re iteile sehuba go tlhomamisa gore re leka go thusa mekgatlho e mentsi go ralala naga, go akaretsa mafelo a a kwa thoko a gantsi a tloisiwang matlho. Ka dinako tse dingwe re ka kaelwa ke ntlha ya gore mathata a tikologo a maswe segolobogolo mo dikarolong tse di rileng tsa naga, mme re leka ka thata go tlhomamisa gore bathusi ba rona ba tsa madi ba leba go farologana ga mafelo mo Afrika Borwa. Seno se ka kaya gore re tshwanetse go re nnyaa mo tshitshinyong e e ntle fa go na le ditshitshinyo tse dintsi tse dintle tse di tswang mo porofenseng e le nngwe gore re neye tshono mokgatlho o o tswang kwa profeseng e nngwe, e le gore re tlhomamisa kemelo ya porofense.
- Re ka dira palo e e lekanyeditsweng ya thuso ya tsa madi. Seno ke ka gonne metswedi ya rona ya tsa madi e lekanyeditswe. Gape ke ka gonne re dumela mo go tlameleng thuso e e fetang madi, ka jalo fa re ikemisetsa go thusa mokgatlho, re batla go tlhomamisa gore re diragatsa ka tshwanelo boikemisetso joo.

O ka ya kae go bona tshedimosetso e e oketsegileng

Go bona tshedimosetso e e oketsegileng, tsweetswee bala Thulaganyo ya Dithutego ya Bosetšhaba ya Thuso ya Tsa Madi go <https://ejfunds.org.za/apply-for-support/>. Thulaganyo ya kopo gape e sobokanngwa mo tshedimosetsong ya ditshwantsho e e gone (ka dipuo tse di farologaneng) go <https://ejfunds.org.za/apply-for-support/>.

EJF e tla dira **dikopano tsa go ruta tsa mmatota** go ba e ka nnang badirakopo ka **15 February 2024 ka 16h00**. Go nna gone kwa go seno, tsweetswee dirisa linki e e latelang: <https://zoom.us/j/95800923574>
ID ya kopano: 958 0092 3574

Fa o santse o na le dipotso kgotsa o tlhoka thuso epe, tsweetswee ikgolaganye le rona go info@ejfunds.org.za kgotsa 078 291 0014.